

DISCOVER

(Bible Ralchhan)

Zirlai - 24
Mi A Thihin Engtin Nge
Ni Ta Zêl?

Naupangtein a thu zawh thiam ve dân tâwka, “Thi tih awmzia hi eng nge ni?” tia a han zawh chuan min ti òim deuhva. Thihna chanchin sawi leh thihna chungchâng kan ngaihtuah hian kan òim òim a ni. Thih hi kan hlau mai ni lovin kan hmangaihte thih

chungchâng kan ngaihtuah ngawt pawh hian kan duh lo a ni. Thihna hi khawiah pawh mihringte hmêlma inṭawm a ni. Zawhhreawm tak thihna chanchin chhâna chu eng nge ni le? Mihringte hi thi leh ringawt tûra piang em ni an nih? Nge thih hnu hian nun dân a la awm em? (Thihna piahlamah hian nunna a awm em?)

Thlâna awmte hian hriatna an nei em? Kan ṭanpui thei em? Kan be thei em? Kan hmangaih thitrate chu kan hmu thei reng em? Khawiah chiah hian nge mitthite hi an awm?

Ngaihdân in anglo tak tak aṭangin chhâna a awm.

Hrihlhfiaktu Thar (New Age Channelers) te chuan an mahni hmanga thu rawn thawn ṭhînte chu mitthi tawh tûna dinhmun sâng zâwka awm tate thlarauvah an puh a. Hindute c h u a n damchhûnga i n t h l â k danglama a awm c h u t a h c h u a n



keimahnia thilṭha lo (Karma) chu tibovin famkimna sâng zâwk lam kan pan ṭhîn, tiin an zirtîr a. Buddhist ho erawh chuan kei mahniah Pathian a awm a chu chuan min tivârin dinhmun sâng zâwkah min hlang ṭhîn, tiin an ring a. Sakhaw neilo ho erawh chuan nakin huna nunna lam rêng rêng chu an pawm lova, thihna hi engkim tâwpnaah an pawm thung a ni. Kristian tamtakte pawh hian mitthi hi an thi tak tak lova, amaherawhchu hremhmunah emaw a nih loh pawhin khawilai hmunah emaw nikhaw hriain an awm niin an ring.

Hetianga thil pawimawh khawvêl nghawng phâk leh rilru khawih, mi chu a thih hunah engtin nge a awm zêl? tih hi engtin nge kan hriat theih ang? A chhâna chu Bible-ah hian a awm, chutah chuan Pathian nunna leh thihna chanchin hre vektu chuan beiseina lâwmawm tak nêh min hrilhfiah dâwn a ni.

1. ZAMLOVA THIHNA HMACHHAWN

A châng chuan kan vai hian, kan ṭhian emaw kan chhungkaw zîng ami an thih hian kan chhûngah ruak huaia inhriatna kan nei ṭhîn; nunna lo tâwp mai ṭhîn dânte kan ngaihtuah hian chu khawharna chuan min tuam vêl ṭhîn a ni. Mahse vâneh thlâk takin he leia Kristiante hna pakhat chu an damchhûnga thih hlauhna saltangte chhanchhuah hi a ni. (Heb 2:15).

Bible-ah hian thihna chungchâng te, thawhlehnate leh nakin hnu lama nunna chungchâng kan zawhna zawng zawngte hi Isua chuan min chhân sak vek a ni. Pathian Thu aṭanga thihna awmze diktak kan hriat theih nân, engtin nge min Siamtu hian aṭirte aṭang hian min lo siam reng tih hi i han chhui teh ang.

2. PATHIANIN MIN SIAM DAN

“Tin, LALPA Pathianin leia vaivutin mihring a siam a, a hnârah chuan nunna thaw chu a thaw luta; tichuan mihring chu mi nung a lo ni ta a.” Gen 2:7.

Min siamtu chuan mihring hmasa ber chu boruak aṭangin emaw a nih loh leh hmanraw chungnung zâwk aṭangin emaw a siam thei a, mahse chutizâwng chuan a ti lo. Adama chu leia vaivut aṭangin a siam zâwk a ni. Hmanraw ṭulte chu Adama thluakte, ruhte leh taksate siamna atân lei aṭanga a lâk khâwm hnuin Pathian chuan chu taksa nunna nei lo hnênah chuan nunna a pe ta a ni. Chu taksa famkim chuan mi nung ni tûrin thil dang a duh hret a, chu thil dang chu “nunna thaw” a ni.

“Tin, LALPA Pathianin leia vaivutin mihring a siam a, a hnârah chuan nunna thaw chu a thaw lut a. Tichuan mihring chu mi nung a lo ni ta a.” Gen 2:7.

Adama hnara Pathianin nunna thaw a han thâwk luh chuan, Pathian aṭangin nunna chu a hriatna thazâmahte chuan a lo luang chhuak ta a ni. A tihrawlte chu a che a, a thinlung tak a lungte chu a rualin an phu a, tichuan taksa leh nunna thaw in fin chuan “Mi nung” a siam ta a ni.

Chhinchhiah tûr Bible chuan Adama chuan nunna thlarau a dawng,” a ti lova, “Mihring chu minung a lo ni ta a,” a ti zâwk a ni. Chutichuan mihring tlukpui chu heti hian kan sawi thei mai ang.

Leia vaivut leh Nunna Thaw tlukpui chu Mi nung, Taksa nunna tello leh Pathian aṭanga nunna thaw tlukpui chu minung. Kan vai hian taksa, hriatthiam theihna te,

hriat reng theihna te buk tawn thiamna te, chhia leh ða hriatna te leh tumnate kan nei ðeuh va. Mize pakhat leh nungchang pakhat kan nei bawk a. Chuvâng chuan a hrana ding mi pahnih leh aia tam finkhâwm ni lo, mi pakhat kan ni. Kan thâwk chhông hi chuan mihring nung, mi nung kan ni.

3. MI HI A THIHIN ENGTIN NGE A AWM?

Mi chu a thih ve leh mihring siam dân Genesis 12:7 in a sawi chu a in let hlauh a ni.

“Vaivut chu a awm ngaiin leiah a chang leh a, thlarau chu a petu Pathian hnênah a kîr leh a ni.” Thuhritu 12:7.

Bible hian Hebrai ðawnga “thaw” (breath) leh “thlarau (spirit)” hi thuhmunin a hmang fova. Mi a thih chuan a taksa chu vaivut (lei) ah a chang a, a thlarau emaw nunna thaw chu a neitu Pathian hnênah a kîr leh thîn. Anih mi nung chu engtin nge a awm ang?

“A nuna ka nun chhông chu, Israelah he thu fîng tawi hman leh tih in nei tawh lovang. Ngai rawh u, nunna zawng zawng ka ta vek a ni, pa nunna ka ta a nih ang bawkin fapa nunna pawh ka ta a ni, thil tisualtu apiang an thi ang.” Eze 18:3-4.

Mihring (the soul) chu a thi a, chatuanin a nunglo a boral thei a ni. Pathian thu bung leh châng kan târlan pahnihte khân Genesis 2:7 a thil intluk Pathianin min siam ðuma mi kha, kan thih chuan a let ling ta daih a ni tih min hrih a.

Leia vaivut aţanga nunna thaw kan lakbo chuan mihring chu, mitthi a ni. Taksa nunna tello aţanga nunna

thaw Pathian pêk kha kan lak bo chuan a la bâng chu mitthi a ni tho.

Thihna hi nunna tâwp, thlarau, nunna leh taksa ralna a ni. Taksa chu leiah a chang a, thaw (thlarau) chu Pathian hnênah a kêr leh a, kan damchhông hian mi nung kan ni a, amaherawh chu kan thih chuan mitthi ruang, mitthi kan ni mai. Pathianin nunna thaw min pêk kha a lâk lêt leh chuan kan taksa chu a thi a ni.

Amaherawh chu he thil hi hetah mai hian a tâwp loh avângin a lâwmawm e. Kristaah chuan beiseina a awm a, chu beiseina chu kan sawi ho hmain he zawhna hi i lo enfiâh teh ang.

4. MITTHI HIAN ENNGE A HRIAT THEIH?

Kan thih hian kan thluak hi a keh a, a hre thei ta lova hriatchhuah theihnate a nei lova engmah a hre tawh lo a ni.

“Thih hnu chuan nangmah hriat rengna a awm si lova. Seol (thlân)ah tuin nge lâwm thu hrilh dâwn che?” Sâm 6:5.

Mihringte phurna (chakna) zawng zawng hi thih hian a reh vek a ni.

An hmangaihna te, an hriatna te, an îtsîkna te a boral daih tawh a ni, ni hnuaiâ thiltihah te hian chanvo rêng an nei tawh hek lo. Thuhritu 9:6.

Mitthite chuan khawvêlah hian engte nge thleng tih hraitna an nei tawh lova, mi nung (la dam) te nêh pawh engtikawng zawng mahin in zawmna an nei tawh lo.

Mi nungdamte chuan an la thi dâwn tih an

hre si a, mitthi erawh chuan engmah an hrelova, lâwmna an nei tawh ngai lova, hriat reng pawh an hlawh tawh hek lo, Ni hnuaia a pêk che i hun engmah lo chhông zawng chuan i nupui i hmangaih hnênah chuan nun nuam takin awm rawh; chu chu damchhônga i chanvo leh ni hnuaia i thawhrimnaa i chanvo chu a ni si a. I kutin tihât a hmuh apiang chu theihtâwpin ti rawh; thlân i kalna tûrah chuan thiltih tûr emaw, remruat tûr emaw, hriatna emaw, finna emaw a awm si lova.” Thuhritu 9:5,9,10.

Thihna (thih) hi mumang nei miah lova tuitaka muthilh ang deuh hi a ni. Bible pawh hian “muhil” tiin vawi 54 lai a sawi a ni. Sâm ziaktu pawhin, thihnain ka muhil ang,” a ti a ni. (Sâm 13:3). Isua pawhin thi hi muhil tiin a vuah a ni. A zirtîrte hnênah pawh khân,

“Ka thian Lazara chu a muhil ta a; a muhil kai harh tûrin ka kal dâwn a ni,” a ti a. Chutichuan zirtîrte chuan a hnênah, Lalpa, a muthilh tawh chuan a dam leh ang chu,” an ti a. (Isuan a thih thu a sawi a ni a; nimahsela anni chuan a chawlh chhônga a muthilh thu a sawi emaw an ti a). Chutichuan Isuan fiah takin an hnênah a sawi a,” Lazara a thi a ni,” a ti a. Joh 11:11-14.

A hmuna Isua a lo thlen hma khân Lazara chu ni lî lai thia a lo awm tawh avângin a chhe tan tawh a. Nimahsela Pathian Fapain thlân a rawn thlen meuh chuan atân mitthi kaihtawh chu thian mulai kaihtawh ang leka awl a ni tih a rawn entîr ta a ni.

Kan hmangaih kaltate kha thlamuang takin Kristaah an muhil mai a ni tih han hriat hi a thlamuan thlâk a ni. Thihna kawngkâ (thlân) engtikniâh emaw kan la paltlang

ngei ngei tûr hi tui tak leh thlamuang taka muthilhna chu a ni.

Pathian kawng hi kawng tha ber a ni. Nu, Pathian thu awi tha tak chu a thih ve leh vâna kal tûrah han bel chhin ila. Thenkhatte zirtîr dân chuan vâna aţanga he lei hirawn thlîr thîn tûr angin an sawi a. Fapa sual a neih chu zu seh chhiat ang emaw, a ngawl vei, AIDS veia thi tûr angin emaw a hmu ang a. Anih loh leh a pasal chu a lo thi hmasaah lo ngai ila. Mi tamtakin an rin angin a pasal chu misual anih chuan, hrem hmun chu thlîrin chatuana meialhin akâng lai chu a hmu dâwn a ni. Chutiang chu thil awmdân ni ta sela chutiang hnuai chhandamna chuan hlimna aiin na tuarna a kawkwâwk ang. Mahsela thihna chu tui tak leh thlamuang taka muthilhna zâwk a ni.

5. THIHNA MUHILTE CHU PATHIANIN A THEIHNGHILHEM?

Thihna chu muthilhna a ni, mahse tâwp hlenna a ni lo. A thian pa, Lazara thlânah khân Isuan Marthi hnênah,

“Kei hi thawhlehnaleh nunna chu ka ni; tupawh mi ring chu thi mahsela a nung leh ang,” a ti a ni. Joh 11:25.

Krista ringtute hi thlânah muhil mahsela chumi piahlahmah chuan hmabak an la nei a ni. Min Siamtu, sawi phâk lova them thiam chuan a mi siam zawng zawngte awmdân chu a nei vek a. Kan lua kan samzai tin chhiar tûr leh a kutphaha min kawltu chuan engmah a theihngihl lo ve.

Joba pawhin Pathian hriatrengna sual ngailo chu a

ring a. A tho leh dâwn a ni tih a rinna chu hetiang hian a sawi a ni.

“Seol (thlân) ah chuan mi thukru teh la..... Mi a thih chuan a nung leh ang em ni? Ka hun ruat chhông hi chuan ka nghâk ang, ka chhuahna a thlen thlengin, mi ko vang a, keiin ka chhâng ang che, I kut hnathawh (I kuta i siam) i ngaina a ni,” Joba 14:13-15.

Thlâna mutate tihdanglamna hun chu a lo thleng ngei dâwn e. Pathian chuan a fate chu pakhat mah a hmailovang. Kan thiin vaivutah kan chang thei a, mahse Pathian rilruah chuan kan chanchin chu Chiang takin a chuang tho a ni. Kan thih pawhin kan nunna chu Pathianah chuan Krista hnênah thuhrûkin a awm a ni. (Ko 3:3). Lazara ang bawkhân thihna ata min kaitho leh dâwn a ni.

“Krista kan nunna chu a lo inlâr hunah chuan nangni pawh ama hnênah ropui zîngah in inlâr ve ang.” Kol 3:4.

Mifel thi tawhte chu Krista lokal hunah an muhil an lo tho vang.

Nimahsela unau te u, midang beiseina reng neilote anga in lungngaih loh nân, muhilde chanchin inhriat loh ka duh lova..... Lalpa ngei chu au thâwm nân, vântirhkoh chungnung ber aw nân, Pathian tawtawrâwt ri nân, vân aţangin a lo chhuk dâwn si a, tin, Kristaa thi tawhte chu an tho hmasa ang a; chumi hnuah chuan keini nunga lo la awm rengte hi boruakah Lalpa hmuak tûrin an mahni rualin chhûm zingahte khian lak chhohvin kan awm ang; chutichuan kumkhuain Lalpa hnênah kan awm tawh ang.

Chuvângin hêng thu hian inthlamuan tawn rawh u.”
1 Thessolonia 4:13,16-18.

Thawhlehma nâh chuan thih chhông chu reilote hahchawlh ang lek a ni ang. Mitthite chuan thih hun chhông rei leh rei loh pawh an hre lovang. “Krista an chhandamtua pawmtu zawng zawng te chu leia a lo kalna aw (thâwm) mawi tak chuan a tiharh ang.

Thawhlehma beiseina hian zawmpui a nei a, chu chu vâh in beiseina hi a ni, beiseina vâna in tân daha awm chu (Kolosa 1:5). Bible hi kan Pa vâna mi in nuam famkim chanchin sawina in a khat a ni. Chu ina chengte chuan lâwm taka Pathian thupêkte zâwmin Isua tân rinawm takin an awm a ni. (Thup 12:17). Pathian chuan mitin mit ata mittui a hrufai ang a, thihna te, lungngaihna te, ãahna te, natna te pawh an awm leh tawh lovang (Thup 21:4).

Pathian hmangaihtute chuan thihna an hlauh a ãul lo. A piallamah a taka chatuan a taka hlimna famkim nun Pathianah a awm a ni. Krista chuan thihna leh mitthi khaw chahbi chu a kawh a ni. Krista tellova thihna chu kawng pakhat, hremhmuna tâwp zâwk ang a ni. Mahse Kristaa thihnaah chuan beiseina a awm, beiseina lawmawm leh chiang chu.

6. TUNAH HIAN THITHEILO KAN NI EM?

Bible chuan mihring (thlarau) hi thi theilo angin vawikhat mah a sawi lo. Hei hi thi tura ruat a ni lo tia sawi nêh thuhmun a ni. Atîrah chuan Pathian siam a nih anga Adama ro chan chu thihna ni lovin, chatuana nunna a ni. Adama kha Pathian duhzâwng rinawm chu nisela a

thi lo vang. Amaherawhchu Adama leh Evi kha an lo sual tak avângin, chatuana nunna chu an chên ta a, chu thuâwih lohna avâng chuan thi tûra ruat an lo ni ta a ni. An sualna chuan mi zawng zawng a fan chhuak ta a ni. (Rom 5:12). Mihring thil tisuala chu thi tûr a nih avângin, mi zawng zawng hi thi tûr a ni. Chuvângin mi zawng zawng chu thi thei an ni. (Eze 18:4).

Hebrai leh Greek ãawng aãanga lo kal, mihring (soul) thlarau (spirit) leh thaw (breath) hi Bible-ah vawi 1,700 a lang a, hêngte hi vawikhat mah chatuana nung emaw thi thei lo tia sawina a awm lo. Tin, mihring emaw a thlarau emaw hi kawng dang takin taksa piah lamah nung anga sawina a nei bawk lo.

Tunah rih chuan, Pathian chauhvin thihtheihlohna hi a nei a ni. Lalber, Lalte Lal... amah chauh chuan thih theih lohna a nei a.” 1 Timothea 6:15,16.

Pathian Thu chuan tun dam lai chhûnga mihringte hi chu thi thei, thi tûra ruat kan nih thu min zirtîr a. Amaherawhchu Isua lo kal hun chuan kan taksa chu tihdanglam a ni dâwn a ni.

“Ngai teh u, thurûk ka hrilh dâwn che u hi. Kan zain kan muhil kher lovang a, nimahsela kan zain tawtawrâwt hnunûng ber rik hunah chuan reiloteah mit khap kâr lovah tihdanglamin kan awm vek tawh ang. Tawtawrâwt chu a ri dâwn si a, chutichuan mitthite chu ãawih thei lova kaihthawhin



an awm ang a, keini pawh tihdanglamin kan awm tawh ang. He tawih thei hian tawih theih lohna a sin tûr a ni a, he thi thei hian thihtheihlohna a sin bawk tûr a ni. Chutichuan he tawih thei hian tawih theihlohna a sin a, he thi thei hian thihtheihlohna a sin hunah, chu mi hun ngeiah chuan “Hnehnain thihna a lem zo ta,” tih thu ziak hi a lo thleng ang.” 1 Kor 15:51-55.



Mihringte hi tunah chuan thi theilo kan la ni lo ve. Amaherawh chu Isua rinna avângin chu thihtheihlohna chu kan dawng dâwn a ni. Kristiante chianna chu Isua lokal leh hunah chu thihtheihlohna chu a dawng dâwn a ni tih hi a ni. He thihtheih lohna thutiam hi Isuan thlân a rawn hawn hunah a thleng dâwn a ni.

Ani (kan chhandamtu Krista Isua) chuan thihna chu a tiboralin chanchin Thain nunna leh boral theihlohna a ti lang ta.” 2 Tim 1:10.

Tûnah hian kan thi thei lo (thihtheihlohna kan pai) tih zirtîrna hi hremhmuna chatuana kang tûra in zirtîrna aţanga lo chhuak a ni. Mihring thihtheihlohna leh chatuana hremhmun mei alh zirtîrna hi. Setana Eden huana Evi hnêna, “In thi tawp lovang,” (Gen 3:4) tia sawitu aţanga lo chhuak a ni. Mihringte tâwpna tûra Pathian ruat chu a Chiang, Isua Krista hnara sual pawmte tân Chatuana thihna leh Amah chu an chhandamtua pawm apiangte hnênah a lo kal huna a pêk tûr Chatuana nunna te hi an ni.

7. HMANGAIH THI TAWHTE HMUH LEH DAN

Tihna chungchânga kan thlaphânna hi kan hmangaihte an boral hian a zual bik a. Khawharnate kimlohna te a nasa zual bikin lungngaihna ruamah kan awm thîn. Thênkhat phei chuan hmangaihte then hi nâ an tih êm avângin hmuh lehna dân an zawng thîn. Thlarau be thei tunlaia mitthi tawhte be theia in sawite chu an ring thîn.

Amaherawhchu heti zâwnga lusun lungngaihna tihrehawm tumna lakah hian min khap a ni.

Ramhuai aienthiam zâwl leh dawithiam hrâm chuap chuap leh phun nuah nuahte chu rawn rawh u,” an tih hunah che u chuan heti hian chhâng rawh u,” “Miten an Pathian chu an rawn zâwk tûr a ni lâwm ni? Tiin. Mi nungte tân chuan mitthi an rawn tûr em ni? Isaia 8:19.

“Pathian thu chah leh a thurâwn, rawn zâwk rawh.” Châng 20.

Hmangaih thente vânga lungngaihna laka thlamuanna chu Kristan thlamuanna a pêk chauh hi a ni. A tak takah chuan, tute nêen emawa inbiakna hi ni lovin, Krista hi a ni kan hmangaihte a kuta kawltu chu. Krista, min Siamtu chauh hi chung mite nihna zawng zawng kawltu chu a ni.

Lusun khawhar tuar tlangna tha ber chu Krista nêna inzawmna hi a ni, zawi zawiin a awmdân dik chu kan rilruah lutin, a thutiamte chuan kan lungngaihna a ti reh dân a ni. I hmangaih chu a muhil a ni tih hria la, zân mutchhông chu muhil tân chuan reilote ang chauh a ni. Krista a muhilde thil hriat hmasak ber tûr chu Krista lokal lehna thâwm a ni.

In hmangaih Isuaa muhilte chu Isua lokal leh huna thawhlehaah chuan an tho leh ang. Chu mi ni ropui takah chuan, kan hmangaih leh thian ringtute chu Krista hmuak tûrin boruakah khian an kal ang. Pathian chuan intawhkâwm lehna ropui tak a siam a. Naupangte chu lo lâwm êm êm tu an nu leh pate hnênah pêk kîr leh an ni ang a, Nufate lâwm avânga mittui nên an in kuah leh ang a. In thenna râpthlâk tak lei dam chhûnga awm thînte chu hlim leh lâwma inzawmkhâwm lehna chuan a tibo tawh dâwn a ni. “Thihna chu hnehna chuan a dawlh zo ta.” (1 Kor 15:54).

8. HLAULOVA THIHNA


Thihna hi hmêlma a nihzia chu rinhlelh rual a ni lo, engkim tihtheih hi min tihbo sak a ni. Amaherawh chu kan lak aţanga a lakbo theih loh a awm a, chu chu Krista a ni. Ani chuan engkim hi a la lêt leh vek thei a ni. Thihna chuan he khawvêlah hian ro a rêl reng dâwn lo. Setana, misual, thihna leh thlânte chu hremhmun meidilah an ral vek dâwn a ni. Chumi hma chuan hlau lova thih theihdân palite hi i lo chhui teh ang.

1. Krista chu beiseina nasa taka ringin nung rawh.
2. ThlarauThianghlim chakna ringin Krista thupêkte chu awi ţa la, i thih tawh miah lohna tûr nun vawihnihna atân i in buatsaih dâwn nia.
3. Thihna hi reilote muthilhna Isua lokal vawihnihna aw in a rawn tihharh thuai tûrah ruat rawh.
4. Vâna chatuan in amah nêna chatuana kan chenna tûr nghahhlelh awm tak Isuan min tiam chu vawng tlat rawh. Bible thudik hian Isua a lantîr avângin tupawh thih

hlahna aţangin a chhanchuak t̄hîn; chu thihna pawhin a hneh loh a nih avângin. Kan nuna Krista chu a lo luh hian kan thinlung hi thlamuannain a luah khat t̄hîn a ni.

Thlamuanna ka hnutchhiah a che u..... In thinlung mangang suh se, hlah pawh hlau suh se.” Joh 14:27.

Isua Krista chuan hmangaihte t̄hen avânga vânduaina tawrh dân min hrilh a. Isua chuan thihna hlimkawr ruam chu a daitlang tawh a. Lungngaihna kan kaltlang chanchin pawh a hria. Beiseina sawi nghin rual loh min pe t̄urin amah chu a thiin a tho leh a ni.



“Naupangte hi tisa leh thisen changte an nih hlawm avângin, amah ngei pawhin chung bawk chu a chang ve ta a; thihnain thihna thuneitu (chu chu Diabola a ni) a tihboral theihna t̄ur leh, thih hlah vânga damchhûng bâwiha awm zawng zawng te chu a chhanchhuah theihna t̄urin.” Heb 2:14,15.

Hnimhlum hmuchhuaktu ropui tak Dr. James Simpson chuan a fapa upa zâwk a thih chuan a tuar êm êm mai a. Nu leh pa tupawhin an tuar ang ve thovin a tuar a. Amaherawh beiseina kawng a hmu ta a ni. A fa duh tak thlânah chuan hriatrengna te reuhte vâ lam hawia chhîp zum pêt hi a siam a. A chungah chuan he thu pathum hi a ziaak a.

“Nimahsela ka nung” tih hi.

Chu chuan a sawi zo vek mai. Kan lungngaihna hian a chang chuan vâ lam hi a hlah t̄hîn; nimahsela

Isua chu a nung a ni! kan lungte chu a chhe êm êm thîn; nimahsela Isua chu a nung a ni.

Kristaah chuan thihhnu pawha nunna beisei kan nei a ni. Amah chu thawhleha leh nunna chu a ni. (Joh 11:25). “Ka nun avângin in nung ve ang,” tiin min tiam a ni. (Joh 14:19). Krista a lo kal hun chuan thihtheihlohna min pe ang a, thihna thlazar hnuaiah kan cheng tawh bawkw lovang; Chatuana nunna kan neih tawh avângin. He beiseina ropui tak, kan hrehawm lai ber pawha lâwmna tûr hi i hmu chhuak tawh em? Isua chu i chhandamtu atâna la pawm ngai lo i nih chuan tûnah hian i pawm thei ang em?

Mitthite leh minungte Pathian, kan Pa duhtak, I dikna leh zahngaihate mitin, mi chak lo mihring thi theite i enkawl dânah hian i chungah ka lâwm e, ka hmangaih che a, i zahngaihna avânga thihtheihlohna i fa zawng zawngte nêna kan dawnna tûr nî chu ka nghâkhlel êm êm a ni. Nangmah chauh ring tûrin min puila, ka thinlung zawng zawnga Bible ring tûrin min puî bawkw la. Inzawm khâwm lehna ni ropui takah chuan ka hmangaihte nêna kan insuihkhâwm lehna tûr thawhleha nî chu thlen tîr thuai la, chung zawng zawng chu kan Lal Isua hmingin ka dil e. Amen.

Published by : Mizo Conference of Seventh-day Adventists,
Seventh-day Tlâng,
P.O. Box 97, Aizawl 796 001, Mizoram